

宋

書

二十五



宋書

列傳一卷

列傳第一

宋書四十一



臣沈約新撰

后妃

帝祖母號太皇太后母號皇太后妃號皇后漢舊制也晉武帝採漢魏之制置貴嬪夫人貴人是爲三夫人位視三公淑妃淑媛淑儀脩華脩容脩儀婕妤容華充華是爲九嬪位視九卿其餘有美人才人才人爵視千石以下高祖受命省二才人其餘仍用晉制貴嬪魏文帝所制夫

宋書四十一

二

人魏武帝初建魏國所制貴人漢光武所制淑妃魏明帝所制淑媛魏文帝所制淑儀脩華晉武帝所制脩容魏文帝所制脩儀魏明帝所制婕妤容華前漢舊號充華晉武帝所制美人漢光武所制世祖孝建三年省夫人脩華脩容置貴妃位比相國進貴嬪位比丞相貴人位比三司以爲三夫人又置昭儀昭容昭華以代脩華脩儀脩容又中才人充衣以爲散位昭儀漢元帝所制昭容世祖所制昭華魏明帝所制

中才人晉武帝所制充衣前漢舊制太宗泰始  
元季省淑妃昭華中才人充衣復置脩儀脩容  
才人良人三季又省賢人置賢姬以備三夫人  
之數又置昭華增淑容承徽列榮以淑媛淑儀  
淑容昭華昭儀昭容脩華脩儀脩容為九嬪婕  
妤容華充華承徽削榮凡五職班亞九嬪美人  
中才人才人三職為散後其後太宗留心後房  
擬外百官備位置內職削其名品于後

後宮通尹

準錄尚書

東書列傳第一

紫極戶主

允興戶主

官品第一

各置一人  
並銓六宮

後宮削敘

準尚書令銓六宮

紫極中監尹

銓六宮

允興中監尹

銓六宮

宣融戶主

銓六宮

紫極房帥

置一人

允興房帥

置一人

官品第二

各置一人

後宮司儀

準左僕射銓人士

後宮司政

準右僕射銓人士

參議女林

準銓青光祿銓人士

中臺侍御尹

銓六宮

宣融復殿中監尹

銓六宮

采藝房主

銓六宮

南房主

銓六宮

中藏女典

銓六宮

典坊

銓六宮

二十六  
宋書列傳卷一

樂正

銓六宮

內保

銓人士

學林祭酒

銓人士

昭陽房帥

置一人

徽音房帥

置一人

宣融房帥

置一人

官品第三

各置一人

後宮都掌治職

置二人

後宮殿中治職

置一人

準左右丞竹比

尚書銓人士

準左民當

書銓人士

後宮源典治職

置一人

準祠部尚書銓人士

後宮穀帛治職

置一人

準度支尚書

中傅

置一人

銓人士

後宮校事女史

置一人

銓人士

紫極中監女史

置一人

銓人士

炆興中監女史

置一人

銓人士

紫極房參事

置人無定數

銓人士有限外

宣融房參事

置人無定數

銓人士有限外

中臺侍御奏案女史

置一人

銓人士

宋書列傳卷之十一

贊樂女史

置一人

銓人士

中訓女史

置一人

銓人士

女祝史

置一人

銓人士

紫極中監典史

置一人

銓人士

炆興中監典史

置一人

銓人士

典樂帥

置人無定數

有限外

紫極房廉帥祭酒

置一人

銓人士

炆興房廉帥祭酒

置一人

銓人士

宣融房廉帥祭酒

置一人

銓人士

官品第四

後宮通關參事

置一人

景德房參事

置人無定數 銓人士

采蘋房參事

置人無定數 銓人士

南房參事

置人無定數 銓人士

內房參事

置人人 銓人士

校學女史

置一人 銓人士

後宮中房帥

置二人

後宮源典帥

置二人

宋書列傳第一卷

後宮穀帛帥

置二人

中臺帥

置一人

中臺侍御起居帥

置二人

中臺侍御詔誥帥

置二人

斯男房帥

置一人

宣豫房帥

置一人

景德房帥

置一人

采蘋房帥

置一人

中藏帥

置一人



內坊帥

置一人

南房帥

置一人

外華房帥

置一人

招慶房帥

置一人

紫極諸房廉帥

置人無定數有限外

紫極中監省帥

置一人

紫極殿帥

置六人

光興殿帥

置四人

徽音監帥

置一人

百五十

宋書列傳卷一百五十一

六

徽章監帥

置一人

宣融僖殿中監典

置一人

清商帥

置人無定數

總章帥

置人無定數

左西章帥

置人無定數

右西章帥

置人無定數

中廚帥

置一人

官品第五

中臺侍御執衛

置人無定數

中臺侍御監閤帥

置二人

中臺侍御監司帥

置二人

宣融使殿帥

置一人

永巷帥

置一人

後宮都掌內史

置二人

後宮殿中內史

置一人

後宮源典內史

置一人

後宮穀帛內史

置二人

後宮監臨內史

置二人

六十五文

史事列傳卷一

中臺侍御執法內史

置一人

中臺侍御典內史

置二人

中臺侍御節度內史

置二人

中臺侍御應內史

置六人

紫極房內史

置一人

允興房內史

置一人

助教

置一人

綵製帥

置人無定數

裝飾帥

置人無定數

繡帥

置人無定數

織帥

置人無定數

學林館帥

置一人

宮閨帥

置一人

教堂帥

置人無定數 有限分

監解帥

置人無定數

累室帥

置人無定數

行病帥

置人無定數

官品第六

合堂帥

置二人

御清帥

置一人

監夜帥

置一人

諸房禁防

置人無定數

三廂禁防

置三人

諸房廚帥

各置一人

中廚廉

置三人

應閨

置六人

諸應閭

置人無定數

宮閤史

置一人

官品第七

諸房中掾

各置一人

中藏掾

各置二人

比五品敕吏

紫極供殿直儀

置四人

允興供殿直儀

總章伎儀

侍御扶侍

宋書列傳一

九

主衣

準二衛五品敕吏比六品

供殿左右

紫極置二十人  
允興置十人

左右守藏

置四人

典樂人

比諸房禁防

作儀

比王官

供殿給使

紫極置二十人  
允興置十人

典殿

置人無定數

比官人

紫極三廂給事

置十人

全堂給使

置五人

宮闈給使

置六人

比房

孝穆趙皇后諱安下邳僮人也祖彪字世範治  
書侍御史父裔字彥胄平原太守后以晉穆帝  
升平四季嬪孝皇晉哀帝興寧元年四月二日

二、六十

十

生高祖其日后以產疾殂于丹徒官舍時年二  
十一葬晉陵丹徒縣東鄉練壁里雩山宋初追  
崇號諡陵曰興寧永初二季有司奏曰大孝之  
德盛於榮親一人有慶光被萬國是以靈文寵  
於西京壽張顯於隆漢故平原太守趙裔故洮  
陽令蕭卓竝外屬尊戚不逮休寵臣等仰述  
聖恩遠稽舊章竝可追贈光祿大夫加金章  
紫綬裔命婦孫可豫章郡建昌縣君卓命婦趙  
可吳郡壽昌縣君孫氏東莞人也其季又詔曰

推恩之禮在情所同故內樹宗子外崇后屬爰  
自漢魏咸遵斯典外祖趙充祿蕭充祿名器雖  
隆茅土未建竝宜追封開國縣侯食邑五百戶  
於是追封裔臨賀縣侯裔長子宣之仕至江乘  
令蚤卒無子以弟孫襲之繼宣之紹封襲之卒  
子祖憐嗣齊受禪國除宣之弟倫之自有傳  
孝懿蕭皇后諱文壽蘭陵蘭陵人也祖亮字保  
祚侍御史父卓字子略洮陽令孝穆后殂孝皇帝  
娉后爲繼室生長沙景王道憐臨川製武玉道  
規義熈七季拜豫章公太夫人高祖爲宋王又  
加太妃之號高祖以十二季北伐仍停彭城壽  
陽至元熈二季入朝因受晉禪在外凡五季后  
常畱東府高祖踐阼有司奏曰臣聞道積者慶  
流德洽者禮備故祇敬表於崇高嘉號彰於盛  
典伏惟太妃母儀之德化穆不言保翼之訓充  
被洪業雖幽明同慶而稱謂未窮稽之前代禮  
有恒準宣式遵舊章允副羣望臣等參受宋王  
太后號故有司奏猶稱太妃也上以恭孝爲行

奉太后素謹及卽大位春秋已高每旦入朝太后未嘗失時刻少帝卽位加崇曰太皇太后景平元季崩于顯陽殿時季八十一遺令曰孝皇背世五十餘季古不祔葬且漢世帝后陵皆異處今可於塋域之內別爲一壙孝皇陵墳本用素門之禮與王者制度奢儉不同婦人禮有所徒可一遵往式乃開別壙與興寧陵合墳初高祖微時貧約過甚孝皇之殂葬禮多闕高祖遺旨太后百歲後不須祔葬至是故稱后遷旨施行卓初與趙裔俱贈金紫充祿大夫又追封封陽縣侯妻下邳趙氏封吳郡壽昌縣君卓子源之襲爵源之見子思話傳

武敬臧皇后諱愛親東莞人也祖汪字山甫尚書郎父字雋宣父郡功曹后適高祖生會稽宣長公主興弟高祖以儉正率下后恭謹不違及高祖興復晉室居上相之重而后器服麤素不爲親屬請謁義熙四年正月甲午殂於東城時季四十八追贈豫章公夫人還葬丹徒高祖臨

崩遺詔留葬京師於是備法駕迎梓宮祔葬初  
寧陵宋初追贈雋金紫允祿大夫妻高密叔孫  
氏封永陵平鄉君雋子燾燾弟熹熹子質自  
有傳

武帝張夫人諱闕不知何郡縣人也義熙初得  
幸高祖生少帝又生義興恭長公主惠媛永初  
元季拜爲夫人少帝卽位有司奏曰臣聞嚴親  
敬始所因者本充孝之道由中被外伏惟夫人  
德竝坤元徽音允劬發祥兆慶誕啓聖明宜崇

三五

史記卷一百一

極徽號允備盛則從春秋母以子賢之義遵漢  
晉推愛之典謹上尊號爲皇太后宮曰永樂少  
帝旣廢太后還璽綬隨居吳縣太祖元嘉元季  
拜營陽王太妃三季覺

少帝司馬皇太妃諱茂英河內溫人晉恭帝女也  
初封海鹽公主少帝以公子尚焉宋初拜皇太子  
妃少帝卽位立爲皇后元嘉元季降爲營陽王  
妃又爲南豐王大妃十六季薨時年四十七  
武帝胡婕妤諱道女淮南人義熙初爲高祖所



納生文帝五年被譴賜死時年四十二葬丹徒  
高祖踐阼追贈婕妤太祖即位有司奏曰臣聞  
德厚者禮尊慶深者位極故閔宮旣構咏歌先  
妣園陵崇衛聿追來孝伏惟先婕妤柔明塞  
淵光備六列德昭以範訓洽母儀用能啓祚聖明  
奄宅四海嚴親莫逮天祿永遠臣等遠準春秋  
近稽漢晉謹上尊號曰章皇太后陵曰熙寧立  
廟於京師太后兄子元慶位至奉朝請

文帝素白皇后諱齊嬀陳郡陽夏人左光祿大夫

一十一

一十四

一十五

敬公湛之庶女也母本卑賤后年五六歲方見  
舉後適太祖初拜宜都王妃生子劭東陽獻公  
主英娥上待后恩禮甚篤袁氏貧薄后母就  
上求錢帛以贍與之上性節儉所得不過三五  
万三五匹後潘淑妃有寵愛傾後宮咸言所  
求無不得后聞之欲知信否乃因潘求三十万  
錢與家以觀上意信苦便得因此恚恨甚深稱  
疾不復見上上每入必他處回避上數掩伺之不  
能得始興王濬諸庶子問評后未嘗視也后遂

憤恚成疾元嘉十七年疾篤上執手流涕問  
所欲不言后視上良久乃引被覆面即崩于顯陽  
殿時年三十六上甚相悼痛詔前永嘉太守顏  
延之為哀策文甚麗其辭曰龍輅纏繞容翟  
結駟皇塗昭列神路幽嚴皇帝親臨祖饋躬瞻  
宵載飾遺儀於組旒想祖音乎珩珮悲黼筵之  
移御痛暈禰之重晦降輿客位撤奠殯階乃命  
史臣誄德述懷其辭曰偷昭儼昇有物有憑圓  
精初鑠方祗始疑昭哉世族祥發慶膺祕儀景  
胃圖光玉繩昌輝在陰未明將進率禮蹈和稱  
詩納順爰自待年金聲夙振亦既有行素章增  
綯象服是加言觀惟則俾我王風始基嬪德蕙  
問川流芳猷淵塞方江泳漢再謠南國伊昔不  
造洪化中微用集寶貝命仰陟天機釋位公宮登  
耀紫閣欽若皇姑允迪前徽孝達寧親敬行宗  
祀進思才淑傍綜圖史發立旨在咏動容成紀壺  
政穆宣房樂昭理坤則順成星軒潤飾德之所  
屆惟深必測下節震騰上清眎側有來斯雍

無思不極謂道輔仁司化莫晰象物方臻祗禋  
告泯大和既融收華委世蘭殿長陰椒塗施衛  
嗚呼哀哉戒涼在律杪秋即夕霜夜流唱曉月  
升魄八神誓引五輅遷迹噉噉儲嗣哀哀列辟  
灑零玉墀雨泗丹掖撫存悼亡感今懷昔嗚呼  
哀哉南背國門北首山園僕人案節服馬顧轅  
遙酸紫蓋眇泣素軒滅綵清都夷體壽原邑野  
淪藹戎夏悲嚙來芳可述往駕弗援嗚呼哀哉  
策既奏上自益撫存悼亡感今懷昔八字以致  
其意焉有司奏謚宣皇后上特詔曰元初后生  
劭自詳視之馳白太祖此兒形貌異常必欲國亡  
家不可舉便欲殺之太祖狼狽至后殿戶  
外手撥幔禁之乃止后亡後常有小小靈應沈  
美人者太宗所幸也嘗以非罪見去其應賜死從  
后昔所住徽音殿前度此殿有五間自后崩後  
常閉美人至殿前流涕大言曰今日無罪就死  
先后若有靈當知之殿諸窻戶應聲豁然開  
職掌遽白太祖太祖驚往視之美人乃得釋大

明五季世祖詔曰晉漢道旣靈博平輝絕魏國  
方安嘉憲啓策皆因心所弘酌典治誥以外祖  
親王夫人柔德淑範爰啓坤載屬內位闕正攝  
饋閨庭儀被芳闈問宣戚里永言感遠思追榮  
秩宜式傷鴻則敬登徽序乃追贈豫章郡新淦  
縣平樂鄉君后之所生母也又詔趙蕭臧允祿  
袁敬公平樂郡君墓先未給坐戶加世數已遠  
胤嗣衰陵外戚尊屬不宜使墳坐蕪穢可各給  
蠻戶二以供灑埽后父湛之自有傳

文帝路淑媛諱惠男丹楊建康人也以色兒選  
入後宮生孝武帝拜爲淑媛奉旣長無寵常隨  
世祖出蕃世祖入討元凶淑媛畱尋陽上卽位  
遣建平王宏奉迎有司奏曰臣聞曆集周邦徽  
音充嗣氣淳漢國沙麓發祥咎在上代業隆胙  
遠未有不敷陰教以闡洪基膺淑慶以載聖哲  
者也伏惟淑媛柔明內昭徽儀外範合靈初迪  
則庾姬仰耀引訓蕃闡則家邦被德民應惟和  
神屬惟祉故能誕鍾睿躬用集大命固靈根於

既殞融盛裂乎中興載厚化深聲詠允緝宜式  
諧舊典恭享極號奉尊號曰皇太后宮曰崇憲  
太后居顯陽殿二於閨房之內禮敬甚寡有所  
御幸或畱止太后房內故民間誼然咸有醜聲  
宮掖事祕莫能辨也孝建二年追贈太后父興  
之散騎常侍興之妻徐氏餘杭縣廣昌鄉君大  
明四季太后弟子撫軍參軍瓊之上表曰先臣  
故懷安令道慶賦命乖辰自違明世敢緣衛戍  
請名之典特乞雲雨微歔灑潤詔付門下有司  
承旨奏贈給事中瓊之及弟休之茂之竝超顯  
職太后頗豫政事賜與瓊之等財物家累千金  
居處服器與帝子相伴瓊之宅與太常王僧達  
竝門嘗盛車服衛從造僧達僧達不爲之禮瓊  
之以訴太后太后大怒告上曰我尚在而人皆  
陵我家死後乞食矣欲舉僧達上曰瓊之季少  
自不宜輕造詣王僧達賢公子豈可以此事加  
舉大明五年太后隨上巡南豫州妃主以下竝  
從廢帝卽位號太皇太后太宗踐阼號崇憲太

后初太宗少失所生爲太后所攝養世祖盡心  
祇事而太后撫愛亦篤及上卽位供奉禮儀不  
異舊日有司奏曰夫德敷於內典章必遠化覃  
于外徽號空宣伏惟皇太后懿聖自天母儀允  
著義明八遠道變九圍聖明登御景祚攸改皇  
太后空卽前號別居外宮詔曰朕備丁艱罰蚤  
嬰孤苦特蒙崇憲太后聖訓撫育皆在蕃閭常  
奉藥膳中迫凶威抱懷莫遂今泰運初啓情典  
獲申方欲親奉晨昏盡歡閨禁不得如所奏葬

崩時年五十五遷殯東宮門題曰崇憲宮上又  
詔曰朕幼集荼蓼夙馮德訓龍馭定業寔資仁  
範恩著屯夷有兼常慕夫禮洽情施義循事立  
可特齊衰三月以申追仰之心謚曰昭皇太后  
葬世祖陵東南號曰脩寧陵先是晉安王子勛  
未卒巫者謂宜開昭太后陵以爲厭勝脩復倉  
卒不得如禮上性忌慮將來致灾泰始四年夏  
詔有司曰崇憲昭太后脩寧陵地大明之世久  
所考卜前歲遭諸蕃之難禮從權宜奉營倉卒

未暇營改而崇陰之所山原卑陋頃季穉壞日  
有滋甚恒費修整終無永固且詳考地形殊乖  
相勢朕蚤蒙慈遇情禮兼常思使終始之義載  
彰幽顯史官可試岷山左右受宅吉地明審龜  
筮須選令辰式遵舊典以禮初制今中寓雖寧  
邊廩未息營就之功務在從簡舉言尋悲情如  
切割有司奏北疆未緝戎役是務禮之詳略各  
沿時宜臣等參議脩寧陵玄宮補治毀壞權施  
油殿暫出梓宮事畢卽寔於事爲允詔可瓊之

三

宋傳一

二十

八

爲衡陽內史先后卒廢帝景和中以休之爲黃  
門侍郎茂之左軍將軍並封開國縣侯邑千戶  
又追贈興之侍中金紫允祿大夫諡曰孝侯道  
慶散騎常侍允祿大夫開府儀同三司諡曰敬  
侯立道慶女爲皇后以休之爲侍中茂之黃門  
郎太宗廢幼主欲說太后之心乃下令書曰太  
皇太后蚤歿愛遇沿望卽事同於天屬前車騎  
咨議參軍路休之前且楊丞路茂之崇憲密戚  
蚤延榮貴並懷所勅宜殊恒飾休之可黃門侍

郎領步兵校尉茂之可中書侍郎太宗未即位  
故稱令書茂之又遷司徒從事中郎休之桂陽  
王休範鎮北咨議參軍太宗殺世祖諸子因此  
陷休之等宥其諸子

孝武文穆王皇后諱憲嫺琅邪臨沂人元嘉二  
十季拜武陵王妃生廢帝豫章王子尚山陰公  
主楚王臨淮康哀公主楚佩皇女楚琇康樂公  
主脩明世祖在蕃后甚有寵上入伐凶逆后留  
尋陽與太后同還京都立爲皇后大明四季后

率六宮躬桑于西郊皇太后觀禮上下詔曰朕  
卜祥大昕測辰拂羽爰詔六宮親蠶川室皇太  
后降鑾從御佇蹕觀禮綠遽旣具玄統方脩庶  
儀發椒闈化動中縣妃主以下可量加班錫廢  
帝卽位尊曰皇太后宮曰永訓其季崩于含章  
殿時季三十八祔葬景靈陵后父偃字子游晉  
丞相導玄孫尚徽之子也母晉孝武帝女鄱陽  
公主宋受禪封永成君偃尚高祖第二女吳興  
長公主諱榮男少歷顯官黃門侍郎祕書監侍



中元嘉末爲散騎常侍右衛將軍世祖卽位以  
后父授金紫允祿大夫領義陽王師常侍如故  
遷右允祿大夫常侍王師如故偃謙虛恭謹不  
以世事關懷孝建二年卒時年五十四追贈開  
府儀同三司本官如故謚曰恭公長子藻位至  
東陽太守尚太祖第六女臨川長公主諱英媛  
公主性妒而藻別愛左右人吳崇祖前廢帝景  
和中主讒之於廢帝藻坐下獄死主與王氏離  
婚太始初以主適豫章太守庾沖遠未及成禮  
而沖遠卒宋世諸主莫不嚴妒太宗每疾之湖  
孰令表愾妻以妒忌賜死使近臣虞通之撰妒  
婦記左允祿大夫江湛孫敷當尚世祖女上乃  
使人爲敷作表讓婚曰伏承詔旨當以臨海公  
主降嬪榮出望表恩加典外顧審輜蔽伏用憂  
惶臣寒門賴族人凡質陋閭閻有對本隔天姻  
如臣素流室貧業寡奉近將冠皆已有室荆釵  
布裙足得成禮每不自解無偶迄茲謀訪莫尋  
素族弗問自惟門慶屬降公主天恩所覃容及

醜末懷憂抱惕慮不獲免徵命所當果膺茲舉  
雖門泰宗榮於臣非幸仰緣聖賞冒陳愚實自  
晉氏以來配尚王姬者雖累經美胄亟有名才  
至如王敦懾氣桓溫斂威真長佯愚以求免子  
敬炙足以違詔王偃無仲都之質而保露於北  
階何瑀闕龍工之姿而投軀於深井謝莊殆自  
同於矇室殷冲幾不免於彊鉏數人者非無才  
意而勢屈於崇賢事隔於聞覽吞悲茹氣無所  
逃訴制勒甚於僕隸防閑過於婢妾往來出入  
人理之常當賓待客朋從之義而令埽轍息駕  
無關門之期廢筵抽席絕接對之理非唯交友  
離異乃亦兄弟䟽闊第今受酒肉之賜制以動  
靜監子荷錢帛之私節其言笑媼姝爭媚相勸  
以嚴媼媪競前相諂以急第令必凡庸下才監  
子皆葭萌愚豎議舉止則未閑是非聽言語則  
謬於虛實媼姝敢恃者舊唯贊妒忌尼媼自倡  
多知粉檢口舌其閒又有應答問訊卜筮師母  
乃至殘餘飲食詰辨與誑衣被故敝必責頭領

又出入之空繁省難衷或進不獲前或入不聽  
出不入則嫌於欲疏求出則疑有別意召必以  
三晡爲期遣必以日出爲限夕不見晚魄朝不  
識曙星至於夜步月而弄裝書屏袂而披卷一  
生之內與此長乖又聲影裁聞則少婢奔迸裾  
袂向席則老醜叢來左右整刷以疑寵見嫌賓  
客未冠以少容致斥禮則有削滕象則有貫象  
本無嫚嫡之嫌豈有輕婦之誚況今義絕傷和  
虔恭正匹而每事必言無儀適設辭輒言輕易

我又竊聞諸主集聚唯論夫族緩不足爲急者  
法急則可爲緩者師更相扇誘本其恒意不可  
貸借固實常辭或言野敗去或言人笑我雖家  
曰私理有甚王憲發口所言恒同科律王藻雖  
復彊很頗經學涉戲笑之事遂爲冤魂褚曖憂  
憤用致天絕傷理害義難以具聞夫螽斯之德  
實致充昌專妒之行有妨繁衍是以尚主之門  
往往絕嗣駙馬之身通離釁咎以臣凡弱何以  
克堪必將毀族滿門豈伊身身肯前後嬰此其人

雖衆然皆忠彰遐邇事融天朝故吞言咽理無  
敢論訴臣幸屬聖明矜照由道弘物以典處親  
以公臣之鄙懷可得自盡如臣門分世荷殊榮足  
守前基便預提拂清官顯宦或由才外一叨婚  
戚咸有恩假是以仰冒非宜披露丹實非唯止陳  
一已規全身願寔乃廣申諸門憂患之切伏願天  
慈照察特賜蠲停使燕雀微羣得保叢蔚蠢物  
含生自己彌篤若恩詔難降披請不申便當刊  
膚剪髮投山竄海太宗以此表徧示諸主於是  
臨川長公主上表曰妾遭隨竒薄絕於王氏私  
庭囂戾致此分異今孤疾瘳然假息朝夕情寄  
所鐘唯在一子契闊荼炭持兼憐愍否泰枯榮  
繫以爲命實願申其門釁還爲母子推遷僮俛  
未及自聞先朝慈愛鑑妾丹衷若賜使息徹歸  
第定省仰揆天旨或有可尋今事迫誠切不顧  
典憲敢緣恩燾觸冒披聞特乞還身王族守養  
弱嗣雖死之日實甘於生許之藻弟懋昇明末  
資達懋弟攸太宰從事中郎蚤卒追贈黃門侍

郎弟臻昇明末顯宦

前廢帝何皇后諱令婉廬江潯人也孝建三年  
納爲皇太子妃大明五年薨于東宮徽光殿時  
年十七葬入大諡曰獻妃上更爲太子置內職  
二等曰保林曰良娣納南中郎長史太山羊瞻  
女爲良娣宜都太守袁僧惠女爲保林廢帝即  
位追崇獻妃曰獻皇后太宗踐阼遷后與廢帝合  
葬龍山北后父瑀字穉玉晉尚書左僕射澄曾孫  
也祖融大司農瑀尚高祖少女豫章康長公主

三十七

卷之十一

二十六

長

諱欣男公主先適徐喬美容色聰敏有智數太  
祖世禮待特隆瑀豪競於時與平昌孟靈休東  
海何勗等竝以輿馬驕奢相尚公主與瑀情愛  
隆密何氏外姻疏戚莫不沾被恩紀瑀歷位清顯  
至衛將軍大明八年公主薨瑀墓開世祖追贈  
金紫光祿大夫加散騎常侍子邁尚太祖第十  
女新蔡公主諱英媚邁少以貴戚居顯宦好犬  
馬馳逐多聚才力之士有墅在江乘縣界去京  
師三十里邁每游履輒結駟連騎武士成羣大

明末爲豫章王子尚撫軍咨議參軍加寧朔將軍南濟陰太守廢帝納公主於後宮僞言薨殞殺一婢送出邁第殯葬行喪禮常疑邁有異圖邁亦招聚同志欲因行幸廢立事覺廢帝自出討邁誅之太宗即位追封建寧縣侯食邑五百戶子冒倩嗣齊受禪國除瑀兄子亮孝建初爲桂陽太守丞相南郡王義宣爲逆遣參軍王師壽斷桂陽道似防廣州刺史宗慤收亮斬之官至新安內史亮弟恢廢帝元徽初爲廣州刺史未之鎮坐國哀暮晦不到免官復起爲都官尚書未拜卒恢弟誕司徒右長史誕弟衍最知名性躁動太宗初爲建安王休仁司徒從事中郎仍除黃門郎未拜竟求轉司徒司馬得司馬復求太子右率拜右率一二日復求侍中旬日之間求進無已不得侍中以怨詈賜死

文帝沈婕妤諱容

人也納於後宮爲

美人生明帝拜爲婕妤元嘉三十年卒時四十一葬建康之莫府山世祖即位追贈湘東國太妃

太宗即位有司奏曰昔幽都追遠正邑纏哀緇慕德義敬奉園陵先太妃德履端華徽景明峻風允宸掖訓流國闡鞠聖誕靈蚤捐鴻祚臣等遠模漢冊近儀晉典謹上尊號爲皇太后下禮官議諡諡曰宣太后陵號曰崇寧以太后弟道慶爲給事中泰始三年卒追贈通直散騎常侍賜爵縣侯又追贈太后父散騎常侍母王氏成樂鄉君

明恭王皇后諱貞風琅邪臨沂人也元嘉二十

五年拜淮陽王妃太宗改封湘東王妃生晉陵長公主伯姒建安長公主伯媛太宗即位立爲皇后上常宮內大集而羸婦人觀之以爲懽笑后以扇障面獨無所言帝怒曰外舍家寒乞今共爲笑樂何獨不視后曰爲樂之事其方自多豈有姑姊妹集聚而羸婦人形體以此爲樂外舍之爲懽適實與此不同帝大怒遣后令起后兄揚州刺史景文以此事語從舅陳郡謝緯曰后在家爲儻弱婦人不知今段遂能剛正如此廢帝即位

尊爲皇太后宮曰弘訓廢帝失德太后每加勛譬  
始者猶見順從後狂慝轉甚漸不悅元徽五年五月  
五日太后賜帝玉柄毛扇帝嫌其毛柄不華因此欲  
加醜害已令太醫煮藥左右人止之曰若行此事官便  
應作孝子豈復得出入狡獪帝曰汝語大有理乃止  
順帝即位齊王秉權宗室劉晁劉綽上伯興等有異  
志太后頗與相關順帝禪位太后與帝遜于東  
邸因遷居丹陽宮拜汝陰王太妃順帝殂於丹  
陽更立第京邑建元元年薨于第時年四十四

追加號諡葬以宋后禮父僧朗事別見景文傳  
明帝陳貴妃諱妙登丹陽建康人屠家女也世  
祖常使尉司採訪民間子女有姿色者太妃家  
在建康縣界家貧有草屋兩三間上出行問尉  
曰御道邊那得此草屋當由家貧賜錢三万令  
起瓦屋尉自送錢與之家人竝不在唯太妃在家  
時年十二三尉見其容質甚美即以白世祖於  
是迎入宮在路太后房內經二三年再呼不見  
幸太后因言於上以賜太宗始有寵一年許衰



歇以乞李道兒尋又迎還生廢帝故民中皆呼  
廢帝為李氏子廢帝後每自稱李將軍或自謂  
李統太宗即位拜貴妃禮秩同皇太子妃廢帝  
踐阼有司奏曰臣聞河龍啓聖理浹民神郊電  
基皇慶燦天地故資敬之道粹古銘風必貴之  
誼眇代疑則伏惟貴妃含和日晏表淑星樞微  
音峻古柔光照世聲華帝掖軌秀天嬪景發  
皇明祚昌睿命而備物之章未換彝策遠酌  
前王允陟鴻典臣等參議謹上尊號曰皇太妃  
輿服一如晉孝武帝太后故事置家令一人改  
諸國太妃曰太妃妃音怡宮曰弘化追贈太妃父金  
寶散騎常侍金寶妻王氏永世縣成樂鄉君昇  
明初降為蒼梧王太妃伯父照宗中書通事舍  
人叔佺念步兵校尉兄敬元通直郎南魯郡太守  
佺念大通貨賄侵亂朝政昇明初賜死  
後廢帝江皇后諱簡珪濟陽考城人北中郎長  
吏智淵孫女太始五年太宗訪求太子妃而雅信  
小數名家女多不合后弱小門無彊廢以上筮最

吉故爲太子納之諷朝士州郡令獻物多者將  
直百金始興太守孫奉伯止獻琴書其外無餘  
物上大怒封藥賜死旣而涼之太子即帝位立爲  
皇后帝旣廢降爲蒼梧王妃智淵自有傳

明帝陳昭華諱法容丹陽建康人也太宗晚年  
痿疾不能內御諸弟姬人有懷孕者輒取以入  
宮及生男皆殺其母而以與六宮所惡者養之  
順帝桂陽王休範子也以昭華爲母焉明帝崩  
昭華拜安成王太妃順帝即位進爲皇太妃順  
帝禪位去皇太妃之號

順帝謝皇后諱梵境陳郡陽夏人右光祿大夫  
莊孫女也昇明二年立爲皇后順帝禪位降爲  
汝陰王妃莊自有傳

史臣曰飲食男女民之大欲存焉故聖人順民情  
而爲之度王宮六列士室二等皆司事設防典文  
曲立若夫義篤閭闈化形邦國古先哲王有以  
之致治者矣夫后妃專夕配以德外姬嬙竝御  
進非色幸欲使情有覃被愛罔偏流專貞內

表妖蠱外息至於降班在四鏡口珥成行同列者  
三環珮係響身可以燮理陰教輔佐君德宋氏  
藉晉日世令典娉納有章俛天作儷必四岳之後  
雖正位天閨禮亢尊極而表厭易非恩宴難留  
一謝屬車之塵永隔青蒲之地是故元后憤終  
良有以也自元嘉以降內職稍繁椒庭綺觀  
千門万户而淫粧怪飾變炫無窮自漢氏昭陽  
之輪奐魏室九華之照曜曾不能旣其万一徒  
以所選止於軍署之內徵引極乎廝阜之間非  
晉氏採擇濫及冠冕也且愛止帷房權無外授  
戚屬竦來歲時不過肴漿斯為美矣及太祖  
之傾惑潘姬謀及婦人大明之淪溺殷姬竝后正  
嫡至使多難起於肌膚并命行於同產又況進  
於此者乎以斯言之三代二漢之亡於淫嬖非不  
幸也





